

На хвалитех стихиры, на 4, глас 6. Подобен: Все отложше:

1. Стих: Хвалите Его на силах Его,/ хвалите Его по множеству величества Его.

Великая исправления постнических по́двиг/ великаго отца, воистину чуднаго Сѣргия,/ Никоне блаже́нне,/ привлекоша тя желаннее постническому со-сло́вию,/ и дивно добродетелем его вообразя тому сож́итием,/ и сострада-лец подвигом до́блествен,/ яко ученик того и́стинен,/ учитель же художен то-го ча́дом./ И ныне молися, преподо́бне, // поми́ловатися душа́м нашим.

2. Стих: Хвалите Его во гласе трубнем,/ хвалите Его во псалтири и гуслех.

Множество подвиг и потов твоих постнических/ раздражиша сопостата пра-ведных,/ наведе́ бо языки раскопати жилище честное,/ но по́ты преподобнаго великаго Сергия/ во веки сияют пред Богом./ Темже тобою па́че утверди́/ и бо́льше си́е распространи́,/ но мо́лим тя, преподобне,/ подвигнув великаго на молитву,/ возбраняй присно варвар стремление/ и никогда же отпусти обо-ри́ти, Никоне блаженне.

3. Стих: Хвалите Его в тимпане и лице,/ хвалите Его во струнах и органе.

Древо добровѣтвенно, сѣнно и благоплодно,/ на водах прекрасно жизненных воистинну насажденное,/ питающее приходящия и осеняющее опаляемья,/ ты еси, отче преподобне,/ напаяемь учении Сергия,/ имиже питал еси твоя ученики./ Темже молим тя:/ осени люди, заступая от языческих нашествий,/ низлагая их прежде востания./ Нас же в мире соблюди, Никоне, твоими мо-литвами.

Слава, глас 2. Самогласен:

Память праведника – радость боящихся Го́спода,/ хвала бо его – сладость ве́рных е́сть:/ блаже́н бо вои́стину,/ егоже избра и при́ят Госпо́дь./ Темже мы, веселя́щися,/ почита́ем память преподо́бнаго,/ емуже ныне в память его моля́щися,/ яко имущу дерзнове́ние,/ о побѣде нам на язы́ки проти́вныя,/ еже низложити востающия непра́ведно,/ подати же мир миру, и церквам едино-мы́слие, // и душа́м нашим велию ми́лость.

И ныне, Богородичен.

О чудесе новаго всех дрѣвних чудѣс!/ Кто бо позна Матерь, без мужа ро́ждшую/ и на руку́ носящую всю тварь Содержа́щаго;/ Божие е́сть изволе-ние Ро́ждшееся./ Егоже яко Младенца Пречи́стая,/ Твои́ма рукама но-си́вшая,/ и матернее дерзновение к Нему иму́щая,/ не престай молящи о чту́щих Тя, // ущедрити и спасти души на́ша.

На Литургии

Блаженны от канона святого песни 3-я и 6-я.

По входе: [В храме Пресвятыя Троицы]:

Тропарь, глас 8:

Благословен еси Христе Бóже наш, / Иже премудры ловцы́ явлéй, / низпо-
слав им Духа Свята́го, / и теми уловлей вселéнную, // Человеколю́бче
сла́ва Тебе.

Тропарь прп. Никона, глас 1:

Послушания добрый рачитель б́ыв, / преподобне Никоне приснопа́мятне, /
Цéрковь бо прекрасну Святыя Трóицы / в похвалу отцу твоему воздв́игл
еси. / Тёмже и мы, чада твоя, любовию вопиём ти: / слава Давшему ти
крéпость, / слава Венчавшему тя, // слава Действующему тобою всем исце-
лéния.

Слава: Кондак прп., глас 4. Подобен: Явился еси:

Духовному твоему настоятелю, отче Нíконе, / всячески прилеп́всь / и от
него наставля́емь, / во всём Христови порабо́твсь, / монахов был еси чи-
ноначáльник / и преподо́бных сож́итель, // с нимиже Христа Бога моли непре-
станно о всéх нас.

И ныне: Кондак, глас 8:

Егда снизшед язы́ки слия́, / разделяше языки Вы́шний: / егда же огненные
языки разда́ше, / в соединение вся́ призва́, // и согласно славим Всесвя-
таго Ду́ха.

Прокимен святителя Никона, глас 7: Честна пред Господем смерть преподоб-
ных Его.

Аллилуарий святителя Никона, глас 2: Стих: Священницы Твои облекутся
правдою, и преподобнии Твои возрадуются.

Причастен святителя Никона: В память вечную будет праведник, от слуха зла
не убоится. Аллилуия. **Трижды.**